



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

8. Cœlestium munerum &c. Indulgentia plenaria perpetua pro visitantibus
Ecclesias Fratrum Ordinis S. Joannis Dei, tam erectus, quam erigendas
ubicumque locorum, die octavia Martii Festo ejusdem S. ...
-

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

VIII.

Indulgentia plenaria perpetua pro visitantibus Ecclesias Fratrum Ordinis S. Joannis Dei, tam erectas, quam erigendas ubicumque locorum, die octava Martii Feste ejusdem S. Joannis Dei.

INNOCENTIUS PAPA XII.

Ad perpetuam rei memoriam.

Coelestium munerum thesauros, quorum Dispensatores Nos esse voluit Altissimus, cum ad Christianae pietatis incrementum, & animarum Christianorum salutem profuturos speramus, libenter elargimur. Itaque de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianis verè poenitentibus, & confessis, ac Sacra Communione refectis, qui aliquam ex Ecclesiis quorumcumque Conventuum, & Domorum Regularium Ordinis Fratrum S. Joannis Dei hactenus erectis, & in posterum quandoque erigendis, & ubicumque locorum existentibus die 8. Martii Feste ejusdem S. Joannis Dei, à primis Vesperis usque ad occasum Solis Festi hujusmodi singulis annis devotè visitaverint, & ibi pro Christianorum Principum concordia, haereticum extirpatione, ac Sanctae Matris Ecclesiae exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Praesentibus perpetuis futuris temporibus valituris. Volumus autem, ut ipsarum praesentium Litterarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica dignitate constitutae munitis, eadem prorsus fides habeatur, quae haberetur ipsis praesentibus, si forent exhibita, vel ostensa. Datum Romae apud S. Mariam Majorem, sub Annulo Piscatoris die xxvij, Augusti MDCXCI. Pontificatus Nostri Anno Primo.

D. 28. Augusti P. Ap. primo.

IX.

Constitutio revocatoria exemptionum à vectigalibus, aliisque publicis oneribus.

INNOCENTIUS PAPA XII.

Ad perpetuam rei memoriam.

Subditorum commodum est morivum providendi.

Circumspecta Romani Pontificis omnium Christianis Patris, & Pastoris providentia, sicuti Spiritualibus Dominici Gregis, sibi divinitus commissi, utilitatibus jugi vigilantia consulere studet, ita & temporalibus suorum, & Apostolicae Sedis etiam quoad temporalia Subditorum commodis paterno studio providere satagit, prout aequitatis, & justitiae ratio suadet, Reique publicae salus exposcere comperitur.

Exemptiones, & immunitates aliquorum reagravant non exemptos.

§. 1. Cum itaque (sicut Nobis innotuit) per quasdam immunitates, & exemptiones à vectigalibus, aliorumque onerum publicorum solutione, & supportatione, quae à nonnullis Romanis Pontificibus Praedecessoribus Nostri, & Sede praefata, illiusque forsitan de Latere Legatis, ac aliis ejusdem Sedis, & Camerae Nostrae Apostolicae Officialibus, & Ministris, ad importunas supplicantium preces, seu alias quomodolibet concessae reperiuntur, Camera praedicta & Communitates, & Universitates Civitatum, Oppidorum, Terrarum, & locorum temporalis Sanctae Romanae Ecclesiae ditionis in gravissimis, quibus propter tot sumptus, antehac in causam publicam factos, multaque onera propterea imposita, premuntur angustiis, maximam redituum, & proventuum suorum diminutionem patiuntur, & plurimi Subditi Nostri, ac praecipue

pauperiores, in quos ejus quod caeteris, iisque ut plurimum locupletioribus, per immunitates, & exemptiones hujusmodi remittitur, onus derivari necesse est, ingenti damno afficiantur.

§. 2. Nos, Camerae, ac Communitatum, & Universitatum, Subditorumque Nostrorum praedictorum indemnitati, & levamento, quantum cum Domino possimus aequè principaliter consulere cupientes, ac felic. record. Sixti V. Pauli etiam V. Urbani VIII. Innocentii X. Alexandri VII. Clementis IX. Clementis X. Innocentii XI. & Alexandri VIII. aliorumque Romanorum Pontificum Praedecessorum Nostrorum, qui Constitutiones similium exemptionum, & immunitatum revocatorias ediderunt, vestigiis inhaerentes, nec non quarumcumque concessionum, immunitatum, & exemptionum hujusmodi, Litterarumque Apostolicarum sub plumbo, ac in simili forma Brevis, cedularum Motus proprii, & Chirographorum cujusvis Romani Pontificis Praedecessoris Nostri manu subscriptorum, ac aliarum Litterarum, & scripturarum desuper quomodolibet emanatarum, pluriesque etiam confirmatarum, tenores, etiam veriores, & datas, ac occasiones, & alia etiam speciali, ac individua expressione digna praesentibus pro plenè, & sufficienter expressis, & verbatim insertis respectivè habentes; Motu proprio, non ad cujusquam Nobis super hoc oblatae petitionis instantiam, sed ex certa scientia, & matura deliberatione Nostri, deque Apostolicae potestatis plenitudine, hac Nostra perpetuò valiturà Constitutione omnes, & quascumque exemptiones, & immunitates à solutione subsidii triennalis, nec non quarti illi adjuncti, taxarum equorum, talliarum, censuum archivii, foglietae, turrem, utensilium, dohanarum, gabellarum quarumcumque, taxae portus Anconae, quatrinarum, tractarum, pedagiorum, vectigalium, collectarum, & quorumlibet aliorum onerum, & numerum personalium, realium, & mixtorum ordinariorum, & extraordinariorum, solorum, & insolorum Cameralium quorumcumque, etiam eorum, quae per Communitates, & Universitates directè, pro eorundem onerum Cameralium solutione, publicorumque munerum supportatione, ac pro viis, & pontibus construendis, instaurandis, muniendis, & manutenendis, aliisque indigentis, & usibus quibuscumque, tam Camerae, quam Communitatum, & Universitatum praedictarum, seu alias indicta, & imposita, ac exigi solita sunt, nec non ab obligatione recipiendi, & hospitandi milites, & Sedis praedictae Officiales, Barigellos, Executores, aliosque Justitiae Ministros, eisque utensilia, & alia necessaria subministrandi, per Romanos Pontifices Praedecessores Nostros, ac eandem Sedem Apostolicam, & quosvis Sedis, & Camerae praedictarum Officiales, & Ministros quacumque auctoritate, & potestate fungentes, etiam S. R. E. Cardinales, etiam de Latere Legatos, etiam Camerarios, caeterosque etiam speciali nota, & expressione dignos, ac specialem ad id facultatem habentes, quibusvis Communitatibus, Universitatibus, Civitatibus, Terris, Oppidis, & locis Ditionis temporalis S. R. E. praedictae, ac etiam quibuscumque Feudatariis, Centuariis, Dominis locorum, Familiis nobilibus, Baronibus, Comitibus, Marchionibus, Ducibus, Principibus, & aliis cujusvis status, gradus, conditionis, praeminentiae existentibus, ac quavis dignitate, etiam Ecclesiastica, & auctoritate praedictis, etiam Cardinalatus honore fulgentibus, qui Castra, & Jurisdictiones intra limites dictae Ditionis temporalis S. R. E. possident, etiam qui nihil ratione Castrorum, Jurisdictionum hujusmodi Sedi praedictae annuatim, seu alias persolvunt, & tam Incolis, quam extraneis, & Forensibus bona stabilia, seu mobilia, vel se moventia habentibus, & tenentibus, seu possidentibus, omniumque supradictorum Colonis, & laboratoribus, etiam in recompensam laborum, damnorum passorum, ac ex alia quacumque, quantumvis favorabili, ac urgentissima, & de necessita-

Ideo exemplo Praedecessorum revocat exemptiones

Species rerum à quibus cessae fuerant exemptiones.

Quibus aufertur exemptio.

te spe-